

REGIONALNI STAMBENI PROGRAM - RSP

Broj: 04-36-1-134- 9733 /13

Datum: 30 -04- 2021

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9690-2/13 od 12.03.2021. godine, Federalni ministar raseljenih osoba i izbjeglica **d o n o s i**

**O D L U K U**  
**O IZBORU NAJPOVOLJNIJEG PONUĐAČA –**  
**Nadzor nad izvođenjem radova na izgradnji višestambenog objekta**  
**u općini Zavidovići (1 zgrada – 16 stanova) – ponovljeni postupak lot 3,**  
**u okviru Regionalnog stambenog projekta – RSP,**  
**BiH6 Pod-projekta, 01/21-RSP-BIH6**

**I**

U cilju odabira najpovoljnijeg ponuđača, nakon provedenog otvorenog postupka javne nabavke usluga - Nadzor nad izvođenjem radova na izgradnji višestambenog objekta u općini Zavidovići (1 zgrada – 16 stanova) – ponovljeni postupak lot 3, u okviru Regionalnog stambenog projekta – RSP, BiH6 Pod-projekta, 01/21-RSP-BIH6., kao najbolje ocijenjena prihvatljiva ponuda je ponuda ponuđača: **“SMAJIĆ-INŽENJERING” d.o.o. GORAŽDE, sa ukupnom cijenom ponude sa uračunatim popustom bez PDV - a u iznosu od 5.485,00 KM.**

**II**

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

**III**

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

**IV**

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka nabavke, broj: 04-36-1-134-9690/13 od 22.02.2021. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 15.021,00 KM, bez PDV-a i predviđena je Planom javnih nabavki za 2021. godinu u okviru Regionalnog stambenog programa, pod rednim brojem 01/21-RSP-BIH6. Obavijest o nabavci, broj: 668-1-2-13-3-35/21 poslana je na objavu 23.02.2021. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 12/21.

Pet ponuđača je dostavilo ponude u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači : “SMAJIĆ-INŽENJERING” D.O.O. GORAŽDE, INSTITUT ZA GRAĐEVINARSTVO “IG” BANJA LUKA, KONZORCIJUM: “IBIS” D.O.O. ZAVIDOVIĆI I “HKP CONSULTING” D.O.O. BANJA LUKA, “HG – INŽENJERING” D.O.O. TUZLA i “VIZIJA” D.O.O. SARAJEVO.

Komisija za javne nabavke, imenovana Rješenjem, broj: 04-36-1-134-9690-2/13 od 12.03.2021. godine, izvršila je pregled i evaluaciju prispjelih ponuda i konstatovala da od ukupno 5 (pet) dostavljenih ponuda, 4 (četiri) su prihvatljive za ugovorni organ, a 1 (jedna) ponuda se odbacuju kao neprihvatljiva.

Ponuda dostavljena od strane ponuđača "HG-INŽENJERING" D.O.O. TUZLA je neprihvatljiva jer ne ispunjava uslove tražene tenderskom dokumentacijom tačkom 8.2 Sadržaj ponude, podtačka 8.2.1, stav i), a u skladu sa zahtjevom iz tačke 7.2 Sposobnost obavljanja profesionalne djelatnosti, podtačka 7.2.2, kojom je traženo da ponuda mora sadržavati Izjavu ponuđača da je poreski obveznik, koja mora da sadrži naziv ponuđača sa tačnom adresom, identifikacionim i poreskim brojem. Ponuđač u svojoj ponudi nije dostavio traženu Izjavu.

Nakon analize ponuda zakazana je e-aukcija 07.04.2021.godine, nakon koje je formirana rang lista ponuđača.

Nakon održane e-aukcije, prema priloženom Izvještaju, Komisija je dala rang listu ponuđača, kako slijedi:

1. "SMAJIĆ-INŽENJERING" D.O.O. GORAŽDE, sa cijenom ponude u iznosu 5.485,00 KM bez PDV-a,
2. INSTITUT ZA GRAĐEVINARSTVO "IG" BANJA LUKA, sa cijenom ponude u iznosu 15.500,00 KM bez PDV-a,
3. KONZORCIJUM: "IBIS" D.O.O. ZAVIDOVIĆI I "HKP CONSULTING" D.O.O. BANJA LUKA, sa cijenom ponude u iznosu 7.200,00 KM bez PDV-a,
4. "VIZIJA" D.O.O. SARAJEVO, sa cijenom ponude u iznosu 13.585,00 KM bez PDV-a.

Na osnovu navedenog, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9717/13 od 15.04.2021. godine zajedno sa Preporukom da se donese Odluka o izboru najpovoljnijeg ponuđača "SMAJIĆ-INŽENJERING" d.o.o. GORAŽDE, sa registriranim sjedištem na adresi u ul. Zaima Imamovića bb, Goražde, ID broj: 4245078150006, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispijelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

MINISTAR

dr.sci. Edin Ramić

